



UNIVERSITÄTS-  
BIBLIOTHEK  
PADERBORN

# **Cogitationes, Sive Considerationes Christianae Pro singulis Anni diebus**

Complectens Aprilem, Majum, Junium

**Nepveu, François**

**Monachii, 1709**

Dies 21. De intentionis puritate.

---

[urn:nbn:de:hbz:466:1-60514](https://nbn-resolving.org/urn:nbn:de:hbz:466:1-60514)

## DIES XXI.

## De Intentionis Puritate.

## I.

**S**ive ergo manducatis, sive bibitis, sive aliud quid facitis, inquit Apostolus, omnia in gloriam Dei facite. I. Cor. 10. Cùm tam multis ad Deum nominibus spectemus, nihil in nobis esse decet, quod ad Deum non referatur. Ad Deum spectamus titulo Creationis, Redemptionis, & Regenerationis spiritualis, quam in Baptismo accepimus. Quidquid è fundo nascitur, ad fundi Dominum pertinet: cùm igitur ex tot causis ad Deum pertineamus, quidquid à nobis provenit, ad ipsum spectet, necesse est. Deus non minùs necessariò ultimus finis noster est, quàm sit primum nostrum principium. Itaque, quemadmodum nihil in nobis est, quod à Deo non proficiscatur, sic nihil in nobis esse debet, quod ad Deum non referatur. Deus tam benignus est, ut operam suam nobis offerat ad quamvis actionem nobiscum obeundam; an non igitur rationi consonum est, ut junctâ etiam nostrâ operâ rem cum ipso geramus, ejusque intentiones sequamur? Christus

R 4

nec

Iudius.

nec unicum motum exercuit, cuius nos non essemus finis; an non igitur æquum est, ut & ipse sit finis omnium nostrorum?

II. Etsi iustitiæ lege non teneremur omnes nostras actiones ad Deum referre, propria certè utilitate adducti, id præstare deberemus. Actiones bonæ, cum ad Deum referuntur, meliores, & illæ, quæ nec bonæ, nec malæ sunt, bonæ evadunt. Non est opus, quantumvis vile credatur, quod hac intentione non elevetur; nec ullum, quod possessionem Dei non mereatur, quod gradum aliquem æternæ gloriæ nobis non afferat. Quantas ergo divitias, quantos thesauros congerere nobis non possumus? quàm admirabile arcanum facile, & brevi tempore ditescendi! & verò pauperes, & egeni esse meremur, si, cum ex egestate nostra modicis adeò sumptibus emergere possumus, tam bonam occasionem negligamus. Puritas intentionis est quædam chimia species in vita spirituali, quæ modum invenit omnia in aurum commutandi, & pretium tribuendi rebus, quæ illo carent. Medium breve, & facile intra modicum tempus ad eminentem sanctitatem pertingendi. S. Maria Magdalena dePazzi in quadam extasi vidit B. Aloysium deGonzaga, cuius festa lux hodie, agitur in  
lo-

loco valdè sublimi inter cæli incolas, u- uaius.  
nâque intellexit, illum eò erectum ob in-  
tentionis puritatem, qua locum illum  
meritus fuerat.

III. Quanto nobis solatio in vita esse  
potest, pervenire posse ad sanctitatem in-  
solitam, etsi nihil insoliti præstiterimus,  
dum omnes nostras actiones ad Deum re-  
ferre satagimus? quanto solatio nobis in  
mortis erit articulo per tam sanctam pra-  
xin multa collegisse, etsi non multum la-  
boraverimus; grandia merita coacervâsse,  
etsi grandia non egerimus; videre, Deum  
rationem habiturum minimorum operum;  
& eorum quoque, quæ in se nec bona,  
nec mala sunt, neque sibi persuasurum, se  
ea nimum remunerari æternitate gloriæ  
ea remunerando, an non hoc stupendum  
arcanum est, ex omnibus faciendi quæ-  
stum; & è nihilo multum faciendi? Quan-  
ta è contrario desperatio nos obruet in hora  
mortis ubi id neglexerimus; ubi videbimus,  
nos defectu puræ hujus intentionis, post  
multos labores nihil collegisse? & quia ni-  
hil nisi ventum seminavimus ob vanita-  
tem, quæ operum nostrorum fuit moti-  
vum, nihil etiam præter ventos messuisse?  
ubi videbimus, nos, ut ita dicam, tantum

Junius,

de æterna gloria perdidisse, quot opera ad Deum referre negleximus.

*Statue prævertere tantam infelicitatem percuram, quam in te suscipies, omnes actiones tuas continuò ad Deum referendi.*

Sive ergo manducatis, sive bibitis, sive aliud quid facitis, omnia ad gloriam Dei facite. *1. Cor. 10. 31.*

Major tibi merces est, si modò citra mercedis spem feceris. *Chrysost.*

## FESTUM.

## Sanctissimæ Trinitatis,

*De mysterio SS. Trinitatis*

## I.

**C**redo, adoro, amo Sanctissimam Trinitatem, Patrem, Filium, & Spiritum Sanctum, unum, solum Deum in tribus Personis. Credo; quem non comprehendo; adoro, quem non concipio; amo, quem non video. Credo, adoro, amo Patrem, qui me creavit; Filium, qui me redemit; Spiritum Sanctum, qui me sanctificavit; Patrem, qui per suam omnipotentiam me sustentat; Filium, qui per sapientiam suam me gubernat; Spiritum San.